

5.

Vier kurze Predig-
ten / vber den einundfunff-
zigsten Psalmen
Dauids.

Iohannis Gigantis
Northusani.



Psalm: 103.

Lobe den HErrn meine Seele / der dir alle
deine sünde vergibt / vnd heylet alle deine
gebrechen.

Gedruckt zu Alten Stettin,
Anno / 1574.

1574

Im Jahr der Invention

des heiligen Christen

1574



Im Jahr der Invention

des heiligen Christen

1574



Psalmus LI.

Gott sey mir gnedig/ nach deiner
güte/ Vnd tilge meine sünde nach deiner
grossen Barmhertzigkeit.

Wasche mich wol von meiner missethat/ Vnd rei-
nige mich von meiner Sünde.

Denn ich erkenne meine missethat / vnd meine
Sünde ist immer für mir.

An dir allein hab ich gesündigtet/ vnd vbel für dir
gethan/ Auff das du recht behaltest in deinen wor-
ten/ vnd rein bleibest/ wenn du gerichtet wirst.

Sihe/ ich bin aus sündlichem Samen gezeuget/
Vnd meine Mutter hat mich in sünden empffangen.

Sihe / du hast lust zur Wahrheit/ die im verbor-
gen ligt / Du lessest mich wissen die heimliche Weis-
heit.

Entsündige mich mit Isopen/ das ich rein werde/
Wasche mich das ich schneeweis werde.

Las mich hören freud vnd wonne / Das die Ge-
beine frölich werden/ die du zuschlagen hast.

Verbirge dein Andlitz von meinen Sünden /
Vnd tilge alle meine missethat.

Schaffe in mir Gott ein rein hertz/ Vnd gib mir
einen neuen gewissen Geist.

A ij

Verwirff

Verwirff mich nicht von deinem Angesicht / Vnd
nim deinen heyligen Geist nicht von mir.

Eröfste mich wider mit deiner hülffe / vnd der frew-
dige Geist enthalte mich.

Denn ich wil die Vbertretter deine wege leren /
Das sich die sündler zu dir bekeren.

Errette mich von den Blutschulden / Gott / der du
mein Gott vnd Heyland bist / Das meine Zung dei-
ne Gerechtigkeit rühme.

H E R R / thu meine Lippen auff / Das mein
mund deinen ruhm verkündige.

Denn du hast nicht lust zum Opffer / ich wolt dir
es sonst wol geben / Vnd Brandopffer gefallen dir
nicht.

Die Opffer die Gott gefallen / sind ein geengster
Geist / Ein geengstes vnd zuschlagen hertz / wirstu
Gott nicht verachten.

Thu wol an Zion nach deiner gnade / Barwe die
mauren zu Jerusalem.

Denn werden dir gefallen die Opffer der Gerech-
tigkeit / die Brandopffer vnd ganken Opffer / Denn
wird man Farren auff deinen Altar Opffern.

Dis

Dies Klaglied des Königlichen Propheten Dauidis/ geliebten Christen/ Kommet vber ein mit dem 32. vnd 130. Psalmen/ Denn David in seiner hellen angst erkennet/ bekennet vnd beweinet seine grosse missethat/ ruffet vnd bittet hertzlich/ vmb gnedige vergebung seiner Sünden/ vmb des verheischenen Schlangentreters willen/ saget auch zu/ durch des heyligen Geistes hülff vnd beystandt/ in ein neues leben zu treten vnd danckbar zu sein/ etc.

Titel des 51. Psalmens.

Ein Psalm Davids vor zu singen/ da der Prophet Nathan zu ihm kam/ als er war zu Bethsaba eingegangen.

Der liebe Vater Hieronymus vermanet vns in der Vorrede vbern Psalter/ das wir die Tittel der Psalmen vleissig ansehen sollen/ denn sie sein wie Schlüssel zu den thoren/ vnd erinnern vns viel dinges.

Also ist der Tittel des 32. Psalmens/ Ein vnterweisung Davids/ das ist/ ein Psalm der vns von wichtigen vnd grossen sachen berichtet/ dauon der natürliche Mensch nichts weis/ Nemlich/ das die gerechtigkeit die für Gott bestehet/ eine frembde gerechtigkeit ist/ oder das wir aus lauter gnaden durch die hertzliche barmhertzigkeit Gottes/ gerecht vnd selig werden/ allein vmb

A iij

Jesu

Ihesu Christi fürbit vnd verdienstes willen / so wil
solchs in eigenem waren Glauben ergreifen vnd behal-
ten / Item das auch heylige Leuthe hie auff erden arme
sünder sein / Vnd das ein gerechter Mensch für Gott
nicht heisse oder sey / der keine sünde hette oder fület /
sondern / dem sie aus gnaden vergeben vnd zugedeckt
sein / vnd den sie nicht zugerechnet werden / dieweil er an
Ihesum gleubet vnd im Geist wandelt.

Der Titel dieses 51. Psalmens lert vns / wenn vnd
wie David / zu seinem grossen fall kommen sey / vnd wie
er gnedige vergebung aller seiner sünde / widerumb er-
langet habe / wie solchs ordentlich beschrieben ist / im
andern buch Samuelis / Cap. II. vnd 12.

David war ein frommer Son eines frommen Vira-
ten / Er ward an des Gottlosen Sauls stell zum Könige
beruffen vnd gesalbet / Regierete auch wol / bestellte
Kirch vnd Schui / vnd das Weltliche regiment / Ja er
war ein Mann nach Gottes hertz vnd wolgefallen /
Aber da er in müssiggang geriet / Vnd mit seiner Darf-
fen in seinem Königlichen hause oben spatzieren vnd
spielen ging / weisete im der listige Satan (der allweg
auff sein vorteil vnd gelegenheit sibet) ein obiectum,
das schöne Weib Orixa / die sich hieunten wusch / die lest
er holen vnd schlefft bey jr / vnd leset jren Mann heim-
lich vmbbringen / etc.

Bey David schlefft die sünde ein gantz jar / Er
gehet zur Kirchen vnd opffert / Aber seine that gefiel
dem HERN vbel / Dieweil er aber jemmerlich vnd
plötzlich von der alten vnd listigen Schlangen war be-
rückt vnd zu fall bracht worden / Vnd der gütige Gott
in selig haben wolt / leset er ihme seinen Prediger Na-
than das Gesetz höfflicher weise scherpfen / das er
selbst

Selbst ein Vrteil vber sich spricht / gute reu bekommenet /
Dem Dinnlichen Vater sein wort fürstellet / vnd vmb
gnad bittet / dieselbe auch findet / Vnd von Gott vnd sei-
nem Hoffprediger / von allen seinen sünden Absoluiert
vnd los gesprochen wirdt / etc. Derwegen er auch
diesen Buss Psalmen / Gott zu ehren vnd vns armen
elenden Lva Kindern zur warnung vnd zu trost / nach
seiner bekerung gemacht hat / etc.

Nu wollen wir auff dis stündlein die ersten fünff
verslein im Namen Ihesu Christi für vns nemen / Von
Dauids hertzlichem Gebete / vnd warer vnd guter
Beicht.

Gott sey mir gnedig nach deiner güte /
vnd tilge meine sünde / nach deiner
grossen Barmhertzigkeit.

Wasche mich wol von meiner misse-
that / vnd reinige mich von meiner sünde.

Als bey David durch das Gesetz
die sünd auffwacht / vnd er hellen angst
fület / ruffet vnd spricht er aus grund seines
hertzen / O lieber Gott vnd Vater / der du
gnedig / gütig vnd barmhertzig vnd langmütig bist /
vnd nicht lust hast an des armen sünders tode vnd ver-
derben / Erbarm dich mein nach deiner grossen barm-
hertzigkeit / vnd vergib mir aus gnaden meine sünde /
wasche vnd reinige mich von meiner missethat / tilge
vnd lesche meine sünde aus deinem schwarzen buch /
darin

darein ich ja tieff kommen bin/ vnd thue solches alles
vmb des verheissenen Schlangentreters Ihesu Christi
willen/ welches Blut alle Gleubigen von allen jren sün-
den reiniget/ etc.

Das mag ja ein rechtes Gebet sein/ welches durch
die wolcken dringet/ vnd in Christo Sieget vnd alles er-
helt/ Also sollen wir auch thun/ Wenn vns der leidige
Sathan in dieser schlipffrigen Welt betrogen/ vber-
raschet vnd berücket hat/ Sollen wir vnserm frommen
Gott vnd Vater vnser not klagen/ vnd inie sein wort vnd
zusage fürhalten / ihne seiner tröstlichen namen erin-
nern/ das er ist vnd heisset Pater misericordiarum, das ist/
der Vater aller Barmhertzigkeit/ ein gütiger vnd gnedi-
ger Gott/ vnd sollen im gleubigen vnd demütigen hertz-
en/ vmb gnedige vergebung vnserer sünden bitten/ vmb
Ihesu Christi willen/ welchen er vns aus lauter gnad/
liebe vnd gunst / geschencket / vnd zum gnadenthron
fürgestellt hat/ etc.

Wenn wir also zum Herren schreyen/ müste ehe
Himmel vnd Erden ein gehen/ ehe vns Gott nicht er-
hören solt / denn es ist seine gröste lust vnd freude das
er armen müheseligen Sündern helffen sol.

Darumb sollen wir vns auch die Glaubens wört-
lein/ Mir/ meine/ mich/ etc. wol ein bilden/ Gott sey
mir gnedig/ Tilge meine Sünde / wasche vnd reinige
mich/ das wir ja an Gottes gnediger zusage nicht zwei-
feln/ denn der Gerechte lebet seines Glaubens/ Abacuc
2. Capitel/ etc.

Derwegen lasset der Mönchen vnd Messpfaffen
trostlose lehr fahren/ welche den Glauben hönisch/ eine
vermessheit nennen/ vnd sagen/ das niemand gewiß
sein sol/ ob jm Gott gnedig sein vnd seine sünd vergeben
wolle/

wolle/ sollen wir daran zweiffeln/ warumb haben wir
Gottes reiche zusage/ Ezechielis 33. warumb wird vns
der gewisse oder gnaden Geist gegeben? Warumb ha-
ben wir neben dem Wort/ die hochwürdigen Sacra-
ment? Warumb werden vns die exempel der grossen
sünder vnd sünderinnen in heyliger Schrift fürgestellt?
Ach thue du ware busß / sey kein gedichter Sünder /
verschweige / bementele / beschöne vnd verteidige nicht
deine sünd vnd missethat / Sondern gib Gott die ehr/
beichte gerade zu/ vnd suche gnad vmb Christi willen/
dir sollen alle deine sünde vergeben vnd zugedeckt sein
vnd bleiben.

**Denn ich erkenne meine missethat/ vnd
meine sünde ist immer für mir.**

Es ist Davids Beicht vnd bekentnis / Er
spricht mit hertzen vnd munde / Ich erkenne
meine missethat/ das ist/ meine sünden sind mir
ja recht leid / vnd thut mir im hertzen weh/ Das ich
meinen Gott erzürnet/ vnd wider sein fünffte vnd sechste
Gebot so gröblich gesündigt habe/ etc.

Also sollen wir auch von Dauide/ gerade zu beich-
ten lernen/ Denn seine sünde erkennen/ bekennen vnd be-
seufftzen/ ist das erste stück warer busß/ Wir sollen nicht
zunfeigen blettern greiffen/ vnd winckel höltzer suchen/
vnsrer sünden schmücken vnd bementeln/ ach gleich zu/
trifft am ersten/ etc.

Es klagt aber auch hie das beichtkindt / das sei-
ne begangene sünde alzeit für im sey/ das ist / das sie in
für vnd für marter vnd plage/ wie der wurm am
finger.

B

Dier

Wier sihet man/ was effectus peccati sey /das ist/
was der begangener sünde folge/ wenn sie auffwacht
vnd durch Gottes hand lebendig wird/ nemlich hertz
leid/ winseln vnd klagen/ Wie sagt David Psalm: 38.
Es ist kein fried in meinen gebeinen für meiner sünde/
Meine wunden stincken vnd eytern/ Ich gehe krum/
meine lenden verdorren/mein hertz bebet/humidum radi-
cale, das ist/ mein safft vnd krafft geht dahin/denn alle
eusserliche cruciatus vnd schmerzen/die der Mensch an
seinem leibe leidet/sind für nichts zu rechen/ jegen dem
innerlichen leiden des hertzen vnd gewissens/wegen der
begangenen missethat/etc.

Derhalben sollen wir für vnd für in Gottes furcht
stehen / vnd vns für sünden hüten/ Denn sünde gehet
glat ein wie süßer wein/vnd gehet sawr aus/vnd ist ein
böser gast vnd schwere last/ Psalm: 38. post sulum sau-
rum, etc.

Vnd ob vns wol die sünd vergeben wird/ vmb des
Herren Christi willen / wann wir ware busse thun/
Idoch können wir derselben vnser lebenlang nicht ver-
gessen/ Sie ist immer für vnd wider vns/ wie hier Da-
uid so jemmerlich darüber klaget/ Auch Paulus am 2.
Cor: 12. Petrus soll allweg geweinet haben/wenn er an
seinen grossen Fall gedacht hat.

An dir allein hab ich gesündigt vnd vbel
für dir gethan/ Auff das du recht behaltest
in deinen worten/vnd rein bleibest/wenn du
gerichtet wirst.

David sind seine sünd ja hertzlich leid/darumb
beicht er auch gerade zu/ repetieret vnd widerholet ein
ding

ding offt / den vbi dolor, ibi manus & verba, das ist / wo
es einem recht wehe thut darnach greiffet er offt / vñ das
non redet er offt / Also beichtet auch hie David mit vie-
len Worten dem grossen Beichtvater im Düñel / spricht /
Ach lieber Gott / Ich hab mich doch ja sehr an deinen
Geboten vergriffen / hab vergeslich gehandelt / hab
den Ehebruch vnd meuchelmord begangen / hab gros
ergernis angerichtet / etc. Das ist mir leid / bekenne alles
frey heraus / vnd gebe dir die ehr / du bist gerecht / Ich
bin vngerecht / Ich / Ich hab gesündigt vnd vbel für
dir gethan / du thust mir nicht vnrecht / wenn du mich
auch gleich hart angriffest / Ich hab leib vnd leben ver-
wircket / hab aller deiner wolthat vergessen / hab vbel
mit meinem getrewen Vnterthan gehandelt. Also thet
im auch der fromme Keyser Mauritius / Da er vom
gottlosen Phoca (dem er alles gutes bewiesen hatte) mit
Weib vnd Kindern hin gerichtet ward / sprach er /
Iustus es DOMINE & Rectum iudicium tuum, das ist /
DERR du bist gerecht / etc. Also Beichtete auch der
erleuchte Prophet Daniel / Du DERR bist gerecht / wir
aber müssen vns schemen.

Den dis ist der nebeste weg vnd bester radt / wenn
wir gesündigt haben / das wir Gott die ehr geben vnd
mit im nicht rechten / sondern vns willig vber legen / vns
vnder seine gewaltige hand demütigen / Also erweichen
wir im sein Vater hertz / das er seinen zorn fallen lest /
oder ja die straff lindert / Wenn wir aber mit im rech-
ten / vnd in beschuldigen wollen / als thue er zu viel vnd
vnrecht / so ergethet es vns wie dem falschen Saul /
I. Samuelis 15. Cap. Darumb ist nichts besser denn
Micheæ liedlein singen / Peccauius, iram DOMINI fe-
ramus, das ist / Ich wil des DERRen zorn tragen / denn

B ij

ich hab

Ich hab wider in gesündigt / Ach thuts doch einem
frommen schulmeister wehe / wenn Schüler strefflich
seind / vnd sich nicht wollen bücken vnd züchtigen
lassen / etc.

Beschlus.

Dies sey gnug zum anfang dieses klagliedes /
Aus dem Titel dieses Psalmens habt ihr euch zuerinnern / wie listig der Teuffel ist / wie er auff sein vortel
sihet / wie er Dauiden in seinem alter berückt hat in sei-
nem müßig gang / also schleicht er vns auch nach /
wenn wir sicher sein vnd müßig gehen / *ocia securis insi-
diosa nocent*, Der alte Drache vnd listige / vnuerdrossene
Dauus vnd Vogelsteller / hat zwen stricke / damit er
vns pflegt zu berücken / *ocium & crapulam*, das ist / müß-
siggang vnd vollerey / Darumb mügen wir wol für vnd
für in Gottes fürcht stehen / vmb beywonung der heyl-
ligen dreyfaltigkeit bitten / vnd das wir nicht mügen in
versuchung fallen / etc.

Sonderlich sollen fürsichtiglich wandeln / Kes-
genten / vnd die in Kirchen vnd Schulen dienen / denn
auff solche Leute lauret der Sathan / wie eine Dohle
auff die muß / ob er sie könt zu fall bringen / vnd in ein
schandfleck anhangen.

Es ist auch Bethsaba nicht zu entschuldigen / denn
welche sünden meiden wollen / die müssen nicht vrsach
dazu geben / warumb weschet sie sich öffentlich bey
dem Königlichen hause? Sonderlich dieweil sie sehr
schön ist / *lis est cum forma magna pudicitia*, Darumb jr
Jungfrawen vnd jungen Weiber / habt achtung auff
ewer krentzlein vnd ehr / denn so jr dz kleinot verlihet / so
habt

habt ihr wenig zithr/ vnd wann ir euch gleich mit sammet vnd gülden stücken behanget/ etc.

Es zeiget auch der Titel an / wie David nach seinem fall buss gethan vnd gnad erlanget hat/ Der heylige Geist hat in seinen Hoffprediger Nathan frisch straffen lassen/ wegen seiner begangenen missethat/ dadurch er gute rewe bekommen / darnach hat er im auch lassen das Euangelium predigen / vom verheischenen Schlangentreter / dardurch er ist glenbig worden / vnd widerumb hertzenfried vnd freud bekommen hat.

Also müssen wir auch / wann wir zu jaren kommen sind / vnd vns den Teuffel haben betriegen lassen / zur busse gefordert werden / Wir müssen in die Dell vnd wider heraus geführet werden / solchs thut der heylige Geist / durch zweyerley wort / durchs gesetz / vnd durch die liebliche vnd fröliche predigt von des Herrn Christi fürbit vnd verdienst / Derwegen folget nicht den betöreten Schwencckfeldern / vnd andern stoltzen Enthusiasten / die das predigampt verachten / welchs des heyligen Geistes ampt ist / Wie S. Paulus sagt / dadurch er krefftiglich wircket / etc.

In den fünff verslein des Psalmens / habt ihr Davids ware buss vnd ernstes gebet gehört / David ist durchs Gesetz göttlich betrübt worden / hat seine Sünde gefület / erkant vnd bekennet / vnd hat bey Gott vmb Christi willen gnad gesucht / die hat er auch durch den glauben bekommen / vnd ist also wieder ein Tempel der heyligen dreysaldigkeit worden / etc.

Unser lieber Gott vnd Vater / verleibe seine reiche gnad / das wir vns auch den heiligen Geist durch vnserer lerer straffen lassen / vnd vns auch zum gnadenthron Ihesu Christo in demütigem glauben halten / so sollen wir

wir auch recht absolvieret werden/ vnnnd hertzen trost/
friedt vnd freudt bekommen/das helffe euch vnnnd mir
vnd allen die es begeren / vnser heil vnd heyland Ihe-
sus Christus/AMEN.

Die ander Predigt.

WIR haben geliebten Christen / am negsten
gehöret die rechte beicht des grossen sünders
vnd büfers Dauidis/ wie er seine missethat be-
kennet vnd hertzlich beweinet/ vnd klaget/das in seine
sünd tag vnd nacht marter vnd plage / vnd könne es
nicht vergessen/das er so vergeslich gehandelt/die Ehe
gebrochen/vnd seinen getrewen Vnderthanen heimlich
hab ermorden lassen.

Wir haben auch angehört sein hertzlichs vnd
ernstes Gebet/ wie er aus seiner Welle zu Gdt geruf-
fen / vnd vmb gnedige vergebung seiner sünd gebeten
hat/ er wolle in von seiner vbelthat waschen vnd reini-
gen/ vnd alle seine sünd aus dem schwarzen Register
ausleschen / vnd wolle solchs thun aus lauter gnade
vnd liebe / vmb des verheischenen Schlangentreters
vnd schlachtlemilins willen/ Gene: 3. Cap. Ach die drey
wörtlein/Waschen/Reinigen/Zilgen/begreifen viel.

So hat er auch ja den himlischen Vater/seine zusage
vnd tröstlicher namen erinnert / er wolle helffen vmb
Christi willen/er sey pater misericordiarum, dz ist/ein Va-
ter aller barmhertzigkeit / dem vnser elend recht zu her-
tzen gehe/wie einem frommen Vater seines lieben Kin-
des Creutz vnd not/ Item/ er sey gnedig vnd gütig/der
den müheseligen vnd Geistarmen gern helffe /der nicht
zorn halte.

Diesem exempel Dauidis sollen wir auch folgen/
wenn

wenn vns der Tausentkünstler der Teuffel/ in diesem
elends thal berücktet vnd gefellet hat/ sollen auch Gott
die ehr geben/ aus grund vnser hertzen vnser confiteri
sprechen/ vnd Gott sein wort vnd Son fürstellen/ vnd
vmb gnade bitten/ so sollen wir gewislich audientz be-
kommen/ gehört/ erhört/ vnd erfrewet werden/ den der
Herr ist doch ja / Dominus ad saluandum, Psal: 68. er hilffte
willig vnd gern denen die jarrigerige seel haben vnd hülff
begeren/ wie Nazianzenus ja tröstlich sagt/ Nulla re ma-
gis delectatur Dominus q̄ miseri peccatoris emendatione &
salute, dz ist/ Es ist vnserns lieben Gottes vnd Vaters lust
vnd freud/ das arme sündler büß thun vnd selig werden.

Nu folget der itzt verlesene Text / darinnen der er-
leuchte König vnd Prophet David/ vber den Erbscha-
den seiner verderbten natur winselt vnd klaget/ daher al-
les elend entspringet vnd fleust/ vnd Beichtet abermals
vnd bekennet geradt heraus seine böse thaten / vnd bit-
tet/ wie zuuor/ vmb gnad vmb des Messia willen/ aber
figurlich/ gedenccket dis Isopen vnd sprengwassers/ bit-
tet auch/ das jm sein lieber Gott durch seinen Geist trös-
ten vnd frölich machen / vnd jm freundlich vnd veter-
lich ansehen wolt/ vmb des verheissenen schlachtlen-
leins willen/ vnd gebraucht abermal das wörtlein Til-
gen/ er wölle in ausm schwarzen register ausleschen.

Die von wollen wir in Gottes namen
auff dis mal handeln.

**Sihe/ ich bin aus sündlichem Samen gezeuget/
Vnd meine Mutter hat mich in sünden empfangen.**

Als wolt er sagen/ ein grosser sündler bin ich/ vñ habe
leider D Gott/ vbel für dir gethan/ habe grosse thorheit
begangen/ bin ein ehbrecher vñ menchel mörder wordē/
wie

wie bin ich doch zu solchem fall vnd elend kommen?
sibe/spricht er/das sind fruchte der Erbsünde / ich bin
ein armes Adams Kind /an Leib vnnnd Seel verderbt/
darumb hat mich der listige Sathan betriegen kön-
nen/etc.

Also kleglich winselt er hie vber die Erbsünde /
wie auch vnser Apostel thut / Rom. 7. Capittel / da er
spricht/ich weis das in meinem fleische nichts gutes
wonet/etc.

Dis ist der rechte text von vnserm Erbschaden oder
von der Erbsünde / das wir durch Adams sünd vnnnd
fall die erbgerichtigkeit verloren haben / vnnnd an Leib
vnd Seel/verderbt/beraubet vnd verwundet sind/Luce
am 10. Wie ihr itz im feinen liede Lazari Spenglers
gesungen habt / Für dem fall ist der Mensch gewesen
Gottes bild / Genesis am 1. Cap. da ist gewesen recht
erkenntnis Gottes vnd aller Creaturen guter wille/gesund-
der leib/aber nach dem fall ist der schöne schaw grosch
en jemmerlich verblichen / da ist Leib vnnnd Seel ver-
derbt / der wille böse / der Leib voller Adams blumen/
vnnnd solchs ist auff vns alle geerbet / wie S. Paulus
spricht/Rom.am 3. Cap. Sie sind alle sündler/das ist/es
ist hæreditarium malum, die sünd ist allen Menschen von
Adam angeerbet vnd angefreundt / gleich als wenn
einer gifft trincket die alle gliedmassen durch zeucht/
Fürwar kein Wolff bringet ein lemlein/ aussetzige El-
tern zeugen aussetzige Kinder / darumb soll man die
Erbsünde die grenliche zu rüttung/ vnd das erschreck-
liche verderbnis Gottes bildnis in vns armen Mensch-
en/nicht extenuiren vnd gering achten / wie Pelagius/
Erasmus vnd die newen Mönche thun/ die sich Ihesu
Bruder vnd gesellen nennen / denn wo die Erbsündt
gering

gering geschetzt wird/da wird des Herren Christi tew
res verdienst/ obscuriret vnd verkleinert/ Anselmus,
Hugo, auch Lyranus beschreiben diesen schaden wel
chen wir von vnsern ersten Eltern haben/ recht vnd be
scheidenlich/ dabey bleibet/ vnd versteiget euch nicht/
den all zu klug macht nerrisch/wie jtz die stoltzen zent
ler vmbgeworffen haben/welche trotziglich lehren/ die
sünde sey substantia, das ist/ das wesen des Menschen/
wie für zeiten die Manicheer geschwermet haben/etc.

Augustinus schreibet Psalm 68. Iniquitas non est
substantia, non enim iniquitas est natura quam formauit De
us, sed est peruersio quam fecit homo, das ist/ Die vnge
rechtigkeit oder missethat/ ist nicht die natur die Gott
gemacht hat/sondern ist eine verkerung/die der Mensch
gemacht hat/etc.

Diesen text von der Erbsünde behaltet ja vleissig/
wieder die Wiederteuffer/vnd ander schwermet welche
sagen/ das die Kinder keine sünde haben/ haben sie
nicht sünde/warumb werden sie krank? warumb ster
ben sie/ ist solchs nicht der sünden solt?

Mercket ja auch wider die alten vnd newen Pelagis
aner vnd klüglinge/welche schreiben/ das von heyligen
Eltern/heylige vnd Gott wolgefellige Kinder geboren
werden/David hatte für wahr frome vnd heylige El
tern/ jdoch sagt er hie deutlich er sey in sünden empfang
en vn geboren/Ach Kunst/Ritterschafft vnd Christen
thumb erbet nicht/du must selbst studiren/zu Ritter ge
schlagen vnd von Gott geboren werden/ Johan. am
I. Cap. Wie hiruon guten bericht gethan haben/Tertus
lianus, vnd Augustinus/ wir sind alle Kinder des zorns
vonnatur sagt S. Paulus Ephes. 2. Gott wil mit vns
nicht

nicht zufrieden sey / ehe wir new geboren werden /
Johann: 3. Capitel.

Es ist auch hier wol zubetrachten / dieweil Kinder
so im keuschen ehebet gezeuget / vnd von fromen Eltern
herkommen / in sünden empfangen vnd geboren wer-
den / das solchs viel mehr geschehe / vbi semen non est le-
gitimam wie man deun offft erfert / das solche Panckert
sonderliche vnart mit sich bringen / sind gemeiniglich
freche vnd stoltze leut / steigen sehr / trachten nach ho-
hen dingen / aber letztlich spielen sie Tragedien / Exempla
sunt odiosa etc. Es können solche Kinder wol selig wer-
den (denn wer kan im Vater / Mutter / oder Vaterland
erwelen) wenn sie sich an Christum halten / aber auff
erden müssen sie bisweilen irer Eltern entgelten / Der-
wegen sol man den heyligen Ehestand lieben vnd eh-
ren / das nach Gottes ordnung / das Menschliche ge-
schlecht erbawet vnd propagiret werde.

Sihe / du hast lust zur Wahrheit / die im
verborgen ligt / Du lessest mich wissen die
heimliche Weisheit.

Hier thut abermal David seine herzhliche
Beicht vnd bekentnus / vnd ist dis die meinung / Ich
bekenne meine sünde vnd bubenstücke frey heraus / denn
du O mein Gott vnd Vater / liebest die warheit / vnd
wilt haben / das man die sünde nicht verhalten noch
verteidigen soll / wie Saul that / I. Samuel: 15.

Dis lasset vns ja recht perpendirn vnd einnehmen /
das wir nicht gedichte Sünder sein / vnd nach den Fey-
gen blettern greiffen / sonst kan vns nicht gerathen noch
geholfen werden / Psalm: 32.

Aber

Aber solchs kömmet vns Adams Kindern schwer
vnd schwer an/ wenn wir gesündigt haben / suchen
wir gemeiniglich winckel höltzer / wollen vnser vbelthat
beschöner vnd entschuldigen / auch wol bisweilen ver-
theidigen / Ir wisset wie Adam vnd Eua sich verhielten
da sie vmb ihres vnghehorsams willen für Gericht ge-
fordert wurden / Adam sprach / **DER** das Weib das
du mir zugesellet hast / gab mir von dem Baum / vnd
ich ass / Eua sprach / die Schlang betrog mich also das
ich ass / hetten also lieber die schult auff Gott selbst ge-
schoben / etc. Ir wisset wie schwerlich Achan vnd des
Propheten Elisei famulus / iren diebstall bekennen wol-
ten / Josue 7. vnd 2. Regum: 5.

Die im Consistorien vnd Radheusern sitzen / vnd
sachen zuuerhören haben / erfahren offft wie die warheit
imverborgen ligt / das ist / wie die leute so fest halten /
vnd nicht gleich zu bekennen wollen / bis das es Moses
mit seinem stecken vnd mit seiner karsthacken vnd rada-
hauen aus inen zwinget / vnd **GOTT** ein frembd werck
thut / etc.

Aber David ist klug / der thut den sachen recht /
Da im der **DER** durch den Doffprediger / seine sünde
anzeigen leffet / nimmet er die straff an / erkennet vnd be-
kennet seine missethat / vnd suchet hülff beim **DERN** /
Darumb er auch die heimliche Weisheit erfert / erken-
net sich vnd Gott / sich erkennet er als ein armen sündler /
Gott erkennet er als einen frommen warhafftigen vnd
gnedigen Gott vmb Christi willen / dis ist eigentlich die
heimliche vnd höchste Weisheit die der welt verborgen
ist / Matthei 11. Darumb der liebe Vater Augustinus
teglich Bett vnd sprach / **O** Gott gib gnade / das ich
mich vnd dich erkenne / etc.

E ¶

Denn

Denn dreyerley Weisheit ist / Teuffelische / Phi-
losophische oder Weltweisheit / vnd Göttliche / Dim-
lische oder heimliche Weisheit.

Die Teuffliche Weisheit ist / Wenn wir vnser
vernunft in geistlichen sachen nicht wollen gefangen
nemen / wollen Gott vnd seinem Worte nicht glauben /
sondern folgen vnserm Kopff vnd vnsern gedancken /
wie Cain thet / der wolte nicht ein Lemblein schlachten
vnd opffern wie Abel / vnd wie der heuchler Saul thet /
der wolte den König Agag vnd das fette Dihe nicht
verbannen / 1. Samuelis 15. vnd wie heut die Wider-
teuffer thun / die ire Kinder nicht Teuffen lassen / Auch
wie die alten vnd newen Sacramentirer thun / welche
den Worten Christi im heyligen Abendmahl mancher-
ley glossen machen / etc.

Die Philosophische oder Weltweisheit ist / wenn
du von Gott mit schönen gaben begnadet bist / bist ein
erfarner Philosophus / du weisst / quid iuris, bist ein
guter Land oder Hausvater / etc.

Die Göttliche / Dimlische vnd höchste Weisheit
ist / wenn du Gott vnd seinen willen aus seinem Wort
vnd in Christo Ihesu erkennest / deine schube auszu-
hest / vnd deine vernunft vnter den gehorsam Christi
gefangen nimest / vnd gleubest Gottes Wort / verstehest
warumb Gott den seinigen / die er lieb hat / eine last auff
legt / sie züchtiget / weisst vnd gleubest / das dir Gott
deine sünde vergeben wil vmb Ihesu Christi willen /
Von dieser Weisheit reden der Herr Christus vnd
S. Paulus / etc.

Entsündige mich mit Isopen / das ich rein
werde / Wasche mich das ich schneeweis werde.

Warumb

Warumb David junior gebeten hat mit klaren
worten/ darumb bittet er auch hier/ aber verdeckter
weise/ gedencket des Isopen/ so ins Osterlambs blut
getunct ward/ das der Würge engel nicht schaden
thun sollte/ Exodi 12. Vnd ist dis die meinunge/ bespren-
ge mich DERR mit deines Sones tewren vnd heyligen
Blut/ so werde ich rein/ Denn David wuste wol die
dentung des sprengwassers vnd aller Opffer/etc.

Ir alten wisset/wie man dieses verslein im Bab-
stum gebrauchet hat/ da man mit grossen gepreng
vmb die Kirchen ging/ vnd der Messpaffe vmb sich
sprengete/ vnd darzu sprach/ Aqua benedicta deleantur
omnia tua delicta, das ist/ disz heylige oder geweihte was-
ser/ wasche vnd reinige dich von allen deinen sünden/
GOTT sey lob vnd danck gesagt/ der vns von solcher
schrecklichen Abgötterey erlediget/ vnd vns den Antee-
christ entdeckt vnd offenbaret hat/ Wir halten vns als
lein zu dem sprengwasser das dem DERRN Christo am
stam des Creutzes aus seiner seiten geflossen ist/ Ach
Christi Blut reiniget vns von allen vnsern Sünden/
I. Johannis I.

Las mich hören freud vnd wonne/ das die
gebeine frölich werden die du zerschlagen hast.

Diese worte seind rohen vnd sichern Leute lau-
ter Bömische vnd Polnische dörffer/ sie verstehē nichts
hierin/ Aber Lutherns/ Wellerus/ Matthesius/ vnd
andere/ welche Dellen angst gefület/ vnd durchs Euan-
gelium sind erquicket worden/ verstehen alles recht vnd
wol/etc.

¶ Es steht

Es stehet aber hie / das Gott David seine gebetne
zurschlagen habe / wie auch dem Könige Ezechie / Esaie
am 38. Cap. Wie sol man aber das verstehen ? Ant-
wort / das wir vnser sünde erkennen vnd gute reu be-
kommen / ist eben so wol Gottes gabe als der glaub. Also
aber werden wir Göttlich betrübet / Vnd also werden
vnser beine zurschlagen / wenn vns der heylige Geist /
durchs Gesetze vnser sünde anzeigen lest / etc.

David war nach begangener sünde sicher / gieng
zur Kirchen / Bette / Opfferte / aber es galt nichts / er
war ein erttz heuchler / Da aber Nathan zu ihm sagte /
Siehe Gott hat dir recht gütlich gethan / hat dir deinen
Son zugesagt / das er aus deinem Stamme vnd Dau-
se leibhaftig werden sol / Er hat dich erhöhet vnd aus
dem staub erhoben / hat dich zum mechtigen Könige
gemacht / aber du hast vergeslich gehandelt / hast eine
grosse / grosse thorheit begangen / Hier hebt David
recht an zu winseln wie Ezechias / hie wacht die sünde
recht auff vnd wird lebendig / darumb wird Gottes
Gesetze genant der sünden krafft / vnd der stecken vnser
treibers / Als nu David in solchem leide gehet / Predigt
im Nathan auch das Euangelium / zeigt im den
Schlangentreter / Genesis am 3. Cap. Solche Predigt
nimpt er an / vnd wird widerumb recht frölich / etc. Also
müssen wir auch Göttlich betrübt vnd darnach getrös-
tet werden / solchs richtet der heylige Geist aus / durch
zweyerley wort vnd stim / Psalm: 29. Moses vnd Jo-
hannes der Teuffer bereiten dem Herren den weg /
das er bey den mühseligen einkehre vnd sie labe vnd er-
quicke / Darumb heben wir auch den Catechismum
am Gesetze an / gebrauchen erstlich Saltz vnd sawren
Wein / darnach folget auch guter Wein / vnd der lieb-
liche Balsam vnd freuden Del.

Verbirge dein Andlitz von meinen sünden/
vnd tilge alle meine missethat.

Als wolt er sagen / O lieber Gott vnd Vater /
sihe mich nicht sawer an / wie du Pharaonem vnd
Saul angesehen hast / Sondern gib mir ein gnaden
blick / rechne nicht alte schult / gehe nicht mit mir ins
gerichte / decke alle meine sünde mit dem heyligen fell
des rechten Osterlembleins.

Vnd hie sehen wir abermal / das auch die Glenbi-
gen / welche den heyligen Geist haben vnd Gottes wo-
nunge seind / für vnd für in dieser Welt an iren sünden
zu tilgen vnd aus zusagen haben / Denn David sagt
nach seiner bekerung / vnd nach empfangener Absolu-
tion / Herr wasche vnd reinige mich vnd tilge meine
sünde / Fürwar was man waschen vnd wischen vnd
reinigen mus / das ist nicht gantz vnd gar reine / darumb
seind wir hie nicht gar Engel reine / wie die alten vnd
newen Dencker meinen / Dort werden wir gar vol-
kommen sein / hier haben wir noch zu kempffen mit den
hinderstelligen lusten / Denn ob wir wol durch den
Glauben an Christum von allen vnsern sünden gereini-
get werden vnd ein gnedigen Gott bekommen / Idoch
müssen wir für vnd für in dieser schlüpfferigen Welt /
vnsere hende vnd füsse waschen / wie die schöne Disto-
rien Johan: 13. vns erinnert / solchs sol auch angezeigt
worden sein / in dem / das die Kinder Israel / da sie ab-
bereit das verheissene vnd gute Land innen hatten / im-
mer mit den bösen Nachparr zu streitten hatten / Ach
wenn wir gleich durch den Glauben an Christum aus
dem schweren Schultorne vnd Gefengnis / erledigt
worden

worden seind/ jedoch richen die Kleider nach der Der-
berge/ vnd haben immer daran zu wischen vnd aus zu
reiben/bis wir in die Erden gelegt werden/ir wisset wie
vber dis elend klaget vnser Apostel Rom: 7. Cap. vnd
was hievon geschrieben steht/Galat: 5. Cap.

Derwegen sollen wir vns fürm leiblichen Todt
nicht so sehr fürchten noch entsetzen / der vnser gewin
ist / vnd da wir ausm elend ins rechte Vaterland kom-
men/ auffhören zu sündigen/vnd mit dem leidigen Sa-
than/der krummen Welt vnd vnserm aussetzigen fleisch
zu kempffen / etc.

David bittet auch hie vmb vergebung aller seiner
sünden / das erlanget er auch/ denn so du ware Busse
thust / vergibt dir Gott nicht nur ein theil deiner sün-
den/ wie die Mönche leren / Sondern vergibt dir alle
deine sünde/ wie das alte distichon lautet.

Larga Dei pietas vitam non dimidiabit

Aut nihil aut totum, te lachrymante, dabit.

Thu rechte Busz vnd gleub dem HErrn/

All sünd er dir vergibet gern.

Der Pfaffen Segserw ist erdicht/

Auff Erden rechte Busz geschicht.

Das Blut Christi im Glauben ergriffen/ reiniget
vns von allen vnsern sünden/ I. Johan: I. Cap. Sey du
kein gedichter sündler/ halt dich an den rechten gnaden-
thron Ihesum Christum/ dir sollen schuld vnd pein
vnd alle deine sünde vergeben werden/wie ihr recht aus
dem 103. Psalm gesungen habt/ der dir alle deine sünde
vergibt

vergisbt vnd heilet deine schwachheit gros/was geuffern
denn die Baalspaffen vom Fegfeuer? So du in Chri-
sto abscheidest wie Simeon/kommest du zur ruhe Apoc:
14. Cap: Sapient: 3. etc. Auff Erden haben Christen
ir Fegfeuer/ da werden sie vom Teuffel vnd der Gottlo-
sen Welt geplaget / gepantzerfegt vnd durch die Kolen
gezogen / etc.

Ja sagestu/ hat doch David nach seiner Absolu-
tion / Straff vnd Creutz voll auff gehabt/ Antwort/
Solchs alles (eigentlich danon zu reden) ist keine straff/
sondern Väterliche züchtigung / vnd ein vbung des
glaubens gewesen/ auch ein Merckzettel/ das er an sei-
nen grossen fall gedenccken/vnd sich hinfürder vleissiger
für sünden hat hüten sollen/ etc.

Beschluß.

So viel vom itzt vorlesenen Text/von der Erbsünd/
vnd das Gott ware Beicht von vns haben wil / Als
denn sollen wir bey ihm hülff vnd gnad suchen vmb
Christi willen / so sollen wir gewislich erhöret vnd ers-
frewet werden.

Ach Gott wenn wir elende Eva Kinder vnsern Erb-
schaden recht erkennen vnd bedechten/so würden wir
nicht also stoltzieren vnd prangen/ denn was sind wir
doch nach Adams fall: Arme/elende vnd an Leib vnd
Seel verderbte Menschen / vnd haben keinen andern
trost denn das wir vns an den Himlischen Adam/ vns-
sern Herrn vnd helffer Ihesum Christum halten/vnd
mit glaubigen hertzen auff ein friedliches Simeons
stündlein vnd den lieben Jüngsten tag warten/D Herr
D Ihesu

Ihesu Christe Kum/ vnd Kum bald/ vnd weise vns ein
in das Vnnergengliche / Unbefleckte
vnd Vnnerwelckliche Erbe.

AMEN.



Die dritte Predigt.

Des folget das dritte teil der Buß / von Da-
uids danckbarkeit.

Darumb seinds ja mutwillige Zentler welche das
dritte teil der Buß nicht leiden wollen / wie sie auch
vom dritten gebrauch des Gesetzes nicht hören wol-
len / so in doch Lutherus selbst setzet da er die Zehen ge-
bot beschleust / Die Gebott all vns gegeben sind / das
du dein sünd O Menschen kind / erkennen solt vnd ler-
nen wol / wie man für Gott leben sol / etc.

Ach solche Capricorni vnd Wüßlinge haben lust
zu zanken vnd werden fett dauon wie die grossen meu-
se vom schlaffen.

Ich weis wol / das die alten sagen / zur Buße
gehören fürnemlich zwey stück / das wir durchs Gesetz
getödtet vnd durchs Euangelium lebendig gemacht
werden / darauff gute Werck folgen / Aber dieweil viel
Lent der gnadē lehr vnd zeit miszbrauchen / ist's gut vnd
nützlich das man des angefangenen gehorsams offt ge-
dencke / Wie auch der alte Prediger Johannes thet zu
seinen zeiten / da die Lent ein wildes leben füreten / vnd
meine

metrieten sie weren rechte Christen/ sie hetten den heyligen Geist vnd Glauben/ Ach es gehet sein auffeinander/ durch das Gesetz kommet erkentnis der sünden/ durch die Predigt von der gnade/ bekommen wir den Glauben/ dem Glauben folget die Liebe vnd neues leben/ etc.

Wollen den vorlesenen Text ansehen/ darinnen David zusagt/ dieweil im Gott seine sünde aus gnaden vergeben/ Er wolle danckbar sein/ Er wolle Gott zu Ehren vnd dem Nächsten zur besserung leben/ Gottes gnade/ güte vnd barmhertzigkeit rühmen/ etc. Er wolle auch die groben Sünder vnd Denschler zur Busz vermanen/ vnd die betrübtten/ elenden Sünder trösten/ vnd zu dem rechten Seelen artzt Ihesu Christo weisen.

Das aber solchs mit frucht geschehen müge/ bittet er vmb ein reines Hertz/ vnd vmb den gewissen oder gnaden Geist/ ja vmb den Freudigen oder Fürstlichen Geist.

Er bittet auch hertzlich/ Gott wolle in nicht im zorn straffen/ vnd hinweg nehmen wie seinen forfahn Sauln/ sondern wolle ime aus gnaden sein leben noch ein zeitlang fristen/ das er die Kirchen vnd Schulen vnd dem gantzen Königreich noch eine weile müge fürstehen/ So wolle er Gottes Gerechtigkeit/ das ist/ Gottes Gnade/ Güte vnd Barmhertzigkeit/ mit hertzen vnd munde rühmen vnd preisen.

Schaffe in mir Gott ein rein hertz/ vnd gib mir einen neuen gewissen Geist.

Verwirff mich nicht von deinem Angesicht/ vnd nim deinen heyligen Geist nicht von mir.

D ij

Tröst

Tröste mich wider mit deiner hülffe/ vnd der
freudige Geist enthalte mich.

Dis ist das kurze vnd schöne Gebet Davidis/
Gott wolle im sein hertz reinigen / vnd wolle im den
gnaden vnd freudigen Geist geben/ das er sich in starckem
Glauben an Christum halten/ in willigem/ schuldigen/
kindlichem/ gehorsam wandeln/ vnd in allen nö-
ten/ rechten trost haben müge/ etc.

Aus diesem Gebet ist das schön Pfingstlied ge-
nommen / darinnen wir bitten / das der heylige Geist
vns arme Eva Kinder erleuchten/ heyligen vnd trös-
ten wolle/ etc.

Lasset euch / geliebten Christen / dis Gebetlein
Davidis lieb sein/ Ich verspreche nicht der lieben Väter
Augustini/ Hieronymi/ Cypriani/ auch anderer grosser
leut Gebetlein/ Aber das liebe Vater vnser ist vnd blei-
bet wol oratio orationum, das ist/ das beste Gebet / vnd
der Psalter bleibet wol das beste Betbuch/ Wenn gute
Freunde mich vmb rath fragen was für Betbüchlein
sie kauffen sollen/ sage ich zu inen/ kauffet vnd leset die
Psalmen des rechten Propheten vnd Poeten Davidis/
da ist Krafft vnd Safft innen / da habt ihr gewisse
Artzney/ für allerley innerliche vnd eusserliche Kranck-
heiten vnd scheden/ etc.

Wie sollen wir aber das vorstehen / Wir sollen
vmb den heyligen Geist / vmb den Glauben vnd vmb
ein rein Hertz bitten/ so doch Christen die fruchtbarlich
Beten wollen / müssen zuvor den heyligen Geist/ den
Glauben/ ein rein hertz vnd gut gewissen haben / Ant-
wort / Wir bitten vmb den gewissen vnd Fürstlichen
Geist/

Geist / wir bitten vmb mehrung des Glaubens / vnd bitten / das vnser Hertz für vnd für hie müge reiner werden / etc.

Verwirff mich nicht von deinem Angesicht / vnd nim deinen heyligen Geist nicht von mir.

Dauid wuste wol wie es seinem Fürfaren dem Saul ergangen war / Da er sich den Satan lies reiten / verachtete alle Väterliche warnung vnd vermanung / Samuelis / Lies die frommen Priester sampt Weib vnd Kindern zu Nohe jemmerlich ermorden / verlor er den heyligen Geist / vnd zoch bey ihm ein der böse Geist / des mancipium ward er / fiel in sein eigen schwert / vnd erstach sich / vnd ward von Gott ewiglich verstossen.

Darumb bittet hie der König Dauid aus grund seines hertzen / Gott wolle in nicht auch also im zorn hinweg nehmen / Er wolle von ime nemen Geldt vnd Königreich / allein den heyligen Geist nicht / etc.

Vnd hier sehen wir klerlich / das auch erleuchte / heylige Leute gröblich fallen können / vnd so sie nicht umbkeren vnd ware Busz thun / von Gottes Angesicht ewig müssen verstossen sein vnd bleiben / wie Pharao vnd Saul / So sie aber Busz thun / das sie widerumb gnade erlangen / wie Dauid / Denn bisweilen behelt der Sathan den Raub / bisweilen mus er in wieder faren lassen / etc.

Warumb verhenget aber Gott / das bisweilen erleuchte vnd heylige Leute so grosse thorheit vnd sünde begehen?

Antwort.

Die

Die

Die lieben Peter sagen / Wenn **GOTT** nicht
wüßte aus dem bösen was gutes zu lesen / so geschehe
nichts böses / Darumb sagt S. Paulus / Pijs om-
nia in bonum, das ist / Den Formmen mus alles zum
besten dienen / David thut ein gewolichen vnd grossen
fall / der Sathan berücket in jemmerlich / aber also
ward er Göttlich betrübt / bittet vmb gnad / erlanget sie
auch / wird wider frölich / schmücket vnd rühmet Got-
tes gütigkeit / wird im Deyligthumb Gottes recht be-
kant / tröstet arme sündler / Ach sagte vnser Doctor Lu-
therus / wenn Moses / Aaron / David / Petrus vnd
Paulus nicht in der Biblien stünden / wo wolten wir
arme Sünder bleiben / wenn vnser sünde auffwachet /
vnd vnser Widersacher der Teuffel vns anlaget vnd
vns das schwarzze Buch weist, etc.

**Ich wil die Vbertretter deine Wege leren /
das sich die sündler zu dir bekeren.**

Das ist / dieweil du mir gnad erzelget / vnd alle
meine sünde vmb des Messia willen vergeben vnd zu-
gedeckt hast / wil ich danckbar sein / wil jederman für
schaden warnen vnd vermanen / das sie sich für dem
listigen Vogelsteller dem Teuffel wol sollen fürsēhen /
In summa / Ich wil die Vbertretter vnd Denehler zur
Busz vermanen / die mühseligen trösten / vnd wil von
deinem Vaterhertzen / singen vnd Predigen / etc.

Dier können wir ja verstehen / was vnser getrewer
Gott von vns begert vnd haben wil / wenn er vns Ve-
terlich geholffen hat / Du darffest nicht auff der Er-
den schlaffen / oder barfüßig / oder in vollem Rüriß gen
Rom gehen / Sondern Opffer aus hertzen grund die
farren

farren deiner Lippen / singe Te Deum laudamus, vnd die
ne deinem nehesten / Psalm: 50. vnd 116. etc. Also
waren dem **HERREN** danckbar Anna Samuelis
Mutter / vnd die werde Jungfraw Maria / wie ihre
Psalmen ausweisen.

Errette mich von den blutschulden / Gott /
der du mein Gott vnd Heyland bist / das mei-
ne zunge deine Gerechtigkeit rühme.

Dies ist ein tieffer Seuffzer vnd ernstes Gebet
Dauids / denn hier gedencet er an seine grossen bubens-
stück / die er an seinem frommen Vnderthan Dria geübt
hatte / denn ist das nicht viel: Als er bey der Bethsabea
geschlaffen hatte / ladet er Driam zu gaste / thut ihm
gütlich / bringet jme einen trunck bey / sagt zu jme er sol
heim zu seinem Weibe gehen / hette also gern einen
deckel gehabt / Drias weigert sich des / vnd spricht / solt
ich itzt wollust pflegen / dieweil die Lade Gottes zu fel-
de ligt: das sey ferne / (Ach dis ist ein frommer Kriegs-
man gewesen / wie auch der zu Capernaum / Matthei 8.
Wenn wir solche Kriegslente hetten / wer hoffnung /
das wir wider den Türcken siegen möchten) Als David
sein anschlag feilet / schickt er Driam mit briffen zum
feldt Hauptman Joab / derselbe ist ein Welt kind /
hoffirte seinem Könige / vnd stellet Driam an die spitzen
das er erschlagen wüdt / darauff nimmet David die
Bethsabeam zum Weibe / etc.

Solchs alles ist hie David für seinen angen / na-
get vnd plaget ihn in seinem Gewissen / das er sich den
Teuffel so schendlich hatt betriegen lassen / vnd bittet
vmb

umb gnade vnd fristung seines lebens/ Errette mich/
spricht er/ von den blutschulden/ Gott/ der du mein
Gott vnd Heyland bist/ Ich wil mich gern öffentlich
Absoluiren lassen für aller Welt vnd der Kirchen/ die
ich geergert hab/ abtrag thun/ Ich hette leib vnd leben
verwircket/ wenn du nachm Gesetz mit mir handeln
woltest/ Aber ich bitte umb gnade vnd umb fristung
meines lebens.

Die mercket wie ein greulich ding es ist / an dem
Menschen einen mord begehen/ Ir wisset wie geschrie-
ben stehet/ Genesis 9. Cap. Wer ein Prinat person ist/
vnd Menschen Blut vergeust/ des Blut sol auch durch
Menschen vergossen werden/etc.

Gott hat den Menschen nach seinem Bilde er-
schaffen / der tregt auch sein Deupt entpor/ sihet gen
Diuinel/da alle andere Thier das heupt hengen vnd vns-
ter sich sehen /er wil auch haben/ man sol den Mens-
schen/ ein solch Edel Creatur/ nicht tödten/ es geschehe
denn von ordentlicher Obrigkeit/ Derhalben auch
nach der Sündflut/ da den Menschen Fleisch zu essen
erlaubet war/ Geboten war/ das man sich des Bluts
enthalten muste/ das die Leute nicht solten Blutdurstig
werden / Wie die Scharffrichter welche Menschen
blut trincken/ das sie küne vnd behertziget werden/etc.

Ir wisset wie es Cain erging/ da er zum erschla-
genen Bruder gefüret ward/ hub Abel an zu bluten.

Itzt helt mans an vielen orten für keine oder ja
für kleine sünde/ Leute ermorden/ Etliche lösen sich mit
zehen etliche mit zwentzig gülden/etc.

Etliche rühmen sich irer Tyranny/ Wie Lamech/
welcher trotziglich sprach / Ich hab zween Pfaffen
auff

auffs hertz genommen / ein Alten vnd ein jungen /
Genesis 4. Cap:

Ach helt man doch nichts von dem der einen hund
erschlegt / vnd man leisset Todschleger vnd Mörder
durch trichen vnd vngestraft / etc.

Dieweil denn die Oberkeit gahr zu sehr durch die
finger sibet / vnd das böse nicht straffen wil / so wird
der grosse DERR von Sion mit seinem geraden vnd
schweren scepter drein greiffen / Psalm 82. jr wisset was
geschrieben stehet im Propheten Ezechiele Cap. 7.

Fürwahr Gott hat das Schwert der Oberkeit
nicht vergeblich befohlen / sie werden nicht vergeblich
Götter / das ist / Gottes Stadhalter vnd Vicarien ge-
nant / etc.

Es ist aber hie die frage / warumb David hie
lenger zu leben begert / Antwort / Fürwar für seine Pers-
son begert er nicht langes leben auff Erden / denn er
nach seinem grewlichen fall / nicht viel frölicher Tage
auff Erden gehabt hat / wie seine Legenden im andern
buch Samuelis anzeigen / Er ward ja weidlich durch
die Kolen gezogen / Seine Weiber wurden vnterm Him-
mel beschlaffen / Ammon beschlefft seine Schwester
Thamar / Absolon verhetzet vnd wigelt das Volck auff
wider den Vater / Ja er vertreibet in / derwegen er auch
mit seinen schönen Daren an der Lichen behangen
bleib / etc.

Aber seinen Vnderthanen zum besten / begeret er
lenger zu leben / wie auch der fromme König Ezechias
thet / Esaiä 38. S. Paulus sagte auch zu seinen Pfarrkin-
dern zu Philippen in Macedonia / Ich wolte gern ab-
scheiden vnd bey meinem Herren Christo sein / aber
auch zum besten möchte ich gern noch ein weil auff
Erden

Erden sein / Denn man kan wol viel Prediger / aber
wenig Väter bekommen / etc.

Also begerte auch der fromme Keyser Theodosius /
der Schul vnd Kirchen Gottes zum besten zu leben / etc.

O Wie mancher frommer Vater / vnd wie manche
fromme Mutter wolte gern aus diesem jammerthal im
friede heimfahren / aber vmb der vnerzogenen Kinder
willen / wolten sie noch gern hie bleiben.

Beschluß.

Dis sey auch von diesen fünff Verslein gesagt /
vnsere lieber vnd getrewer Gott vnd Vater wolte auch
vnsere hertzen reinigen / vnd mit seinen gnaden Geiste
bey vns sein / das wir vnsere Deyland Ihesum
Christum recht erkennen / auch als danck-
bare Christen in willigem vnd
Kindlichem gehorsam
wandeln mügen.

AMEN.

Die



Die vierdte Predigt.

Wir haben bisher gehört/ wie der Königliche Prophet vnd Poet David zu seinem fall kommen ist/ vnd wie er widerumb gnad erlanget hat/ Er hat sich seinen Prediger Nathan straffen lassen/ dadurch ist er Göttlich betrübt worden/ vnd hat im auch lassen das gute verkündigen/ das ist/ Das Euangelium vom verheissenen Schlangentreter vnd Gnadenthron/ den hat er im Glauben ergriffen/ vnd hat also rechten Trost bekommen/ etc.

Also müssen wir auch/ wenn wir in dieser vnsaubern Welt/ vnser Taufftittlein vnd Hochzeitlichs Kleid besudelt/ vnd vns den Teuffel haben reiten lassen/ widerumb bekeret werden vnd gnad finden.

Der Straffer der heylige Geist mus vns durchs Gesetz in die Delle stossen/ wir müssen aber nicht darinnen bleiben vnd verzagen/ sondern zu Gott schreyen vnd ruffen/ vnd vmb Ihesu Christi willen gnad begeren/ da mus bey vns sein gute Rew/ vnd warer Glaub/ solchs richtet der heylige Geist aus/ wie zuvor vermeldet/ durch die zweyerley stimme von Sinai vnd Sion/ Psalm 29. Also wird die stadt Gottes erbawet vnd der Himmel gepflantzet/ Derwegen lasset alle betörte Enthusiasten faren/ Die vom heyligen Ministerio verechlich reden/ Also handelt Gott mit vns freiwillig durchs Predigampt/ vnd bleibt doch selbst der geber/ 1. Cor: 1. vnd 3. Cap. etc.

E ij

Wir

Wir haben auch angehört das Geistreiche Gebet Davidis/ darinnen er ernstlich vnd hertzlich bittet vmb den heyligen Geist/ der in Ihesum Christum recht erkennen lere/ der in auff rechter strasse leite vnd füre/ das er ein gnaden Gefesz bleiben/ vnd nicht widerumb in sünde vnd schande vnd in Gottes zorn vnd vngnad fallen müge/etc.

Solchs vns fürwar billich erinnern sol/ das wir fleissig bitten sollen vmb beywonung der heyligen dreyfaltigkeit/denn wir tragen ja vnser Schetze in irdischen Gefessen/ Der Sathan/ der Printz dieser Welt/ ist mechtig vnd listig/ hat er an Adam in seiner vnschuld setzen dörrffen/ hat er den Mann Gottes Dauidem vberraschet vnd betrogen/ er wird vnser auch nicht verschonen/etc.

Letzlich haben wir auch vernommen/Wie er seine fleghliche Beicht vnd bekenntnis vom Neuchelmord so offft widerholet/ Er habe ja vergeslich gehandelt/ Er habe ja eine grosse thorheit vnd böse that begangen/die Kirche Gottes sehr betrübet vnd geergert/ Er hab leib vnd leben verwircket/ Genesis 9. Cap. Bittet aber vmb Vcterliche verzeihunge/ vnd das er noch ein weile leben müge/der Kirch vnd Schul vnd seinen Vnderthanen zum besten/ etc.

Er wolle hinfurder durch des heyligen Geistes hülff vnd beystand fürsichtiger wandeln/ vrsach zu sunden meiden/vnd in seinem Beruff fleissig sein.

Nu folgen die letzten fünff Verglein/ Darinnen David Gott bittet vmb Verstand vnd die rechte Weisheit/vnd vns berichtet/welches die rechten Dpffer vnd gute Wercke sein/ Vnd wie sie im erkentnis Christi geschehen/ vnd aus dem Glauben fließen sollen/ vnd
entlich

endlich nimmet er auch in sein hertzlichs Gebet/ Geistlich vnd Weltlich Regiment / etc. Das wollen wir in Gottes namen hören.

H E R R thu meine Lippen auff/ das
mein mund deinen ruhm Verkündige.

David hat sich erbotten / dieweil in Gott ausgnaden wider angenommen / er wolle auch danckbar sein/ die Ubertretter vnd Neuchler zur Busz vermanen/ vnd menniglichen für schaden warnen/ Er wolle auch die mühseligen vnd betrübtten Sünder trösten/ vnd auff Gottes Vater hertz weisen/ vmb des Messia willen.

Das nu solchs fruchtbarlich von ihme geschehen müge/ Bittet er/ Gott wolt in mit seinem Geiste erleuchten vnd regieren/ vnd ime seinen Mund auffthun / das er Gottes Lob vnd Ehr weislich möge ausbreiten/ Denn Predigen heisset nichts anders/ denn Gott Lobben / von seiner Lieb vnd Gnade Predigen / Darumb der Herr Praceptor zum Vater Luthero sagte / wenn er zum Predigstuel gehen wolte/ Herr Doctor/ gehet hin vnd lobet Gott.

Ob aber wol David nicht selbst in der Kirchen gepredigt hat / Idoch hat er von Gottes Güte vnd Barmhertzigkeit vielen bericht gethan/ Denn alle ware Christen Priester sind/ vnd Gottes Ruhm verkündigen vnd ausbreiten sollen/ Wie Petrus sagt/ Ir seid das Königliche Priesterthumb.

Ir Alten wisset / das man mit diesem Verslein/
H E R R thu meine Lippen auff/ etc. Im Bapstum alle Wetten anhebt/ aber on verstand vnd frucht/ denn sie

lören ire hores dahin / verstehen offte selbst nicht was
es ist/etc.

Aber allerechte vnd getrewe Lehrer in Kirchen vnd
Schulen / sollen inen dis also nützlich machen / sollen in
Gottes furcht auff die Cantzel gehen / vnd fleissig be-
ten/auch die zuhörer zum gebet fleissig vermanen/ das
Gottes Wort mit frucht müge gelert vnd gelernet wer-
den/denn wir ja von vns selbst nichts vermügen am 2.
Corinth. am 3. das gedeyen mus vom **D E R R E I N**
kommen/1. Corinth. am 3. etc.

Darumb ist's fein vnd nützlich / das man für vnd
noch der Predigt Gott anruffet / etc.

Vnd sind fürwar vermessene vnd vergessene Lehrer/
welche vngebet/ vngestudiret/vnnd ohn allen bedacht/
auff die Cantzel treten/vnd sagen/ das sie auch wol ex
tempore predigen können/ ja waschen/ schmettern vnd
dreschen/das hundert ins tausent werffen/etc.

Solchs thun Gottesfürchtige Lehrer nicht/ Son-
dern sind demütig/studieren/vnd heben alles mit dem
gebet an/leren den Catechismum /repetieren was nützlich
ist/warnen/straffen/vnd vermanen ihre schein
aus veterlichem hertzen/ etc.

Du hast nicht lust zum Opffer Ich wolt dir's
sonst wol geben/vnd Brandtopffer gefallen dir
nicht / etc.

David sagt / er wolle Gott für alle seine wol-
that danck opffern / das ist/er wolle seine güte loben
vnd preisen / wie er auch thut / Psalm 116. Vnd dis ist
auch

auch der rechte Gottes dienst / wenn vns Gott erhöret
vnd geholffen hat / Psalm 50. Dsee 14.

Worumb sagt aber hier David / Gott habe keinen
gefallen am Opffer? hat er sie doch selbst befohlen /
wie wir im Mose lesen vnd sunst / sie sollen ime ein süs-
ser geruch sein / etc.

Antwort / Das mehrer theil der Jüden verstunden die
Opffer nicht recht / sie hielten allein formam vnd nicht
finem, sie wolten dadurch selig werden / wusten nicht /
das es deutel opffer waren / des fetten vnd rechten
opffers des Lemlein Gottes / zu dem man sich im glau-
ben halten solt.

Derwegen sie vmb solchs misbranchs / willen von
den erleuchten Propheten Gottes hart vnd oft ge-
strafft wurden / Esaie am 1. Amos 5. Psalm 50. etc.
Sonst waren die opffer in rechtem gebrauch / Gott ge-
fellig vnd ein lieblicher geruch / wie am ende des Psal-
mens vermeldet wird / Es ist gleich als wenn ich itzt
sage zu einem grossen heuchler / der durch werck gedeck-
te den Dimel zu verdienen wie der gleisner Luce 18. Cap.
Gott wil dein fasten vnd almosen geben nicht haben /
etc. Sonst wil Gott gute werck haben / die aus demüti-
gem glauben fliessen / etc.

Die opffer die Gott gefallen / sind ein ge-
engster Geist / ein geengstes vnd zurschlagen
herz wirstu Gott nicht verachten.

Diz sindt die rechten opffer vnd werck die Gott
wolgefallen / wenn du dich für einen armen Sünder
erkenntest / geisthungerig bist / vnd lessst dich mit des
Herrn

Derren Christi Blut besprengen / vnd danckest dem
fromen gütigen Gott für seine wolthat / vnd richtest aus
dein Priesterliches Ampt / verkündigest vnd rühmest
Gottes gute vnd Barmhertzigkeit vmb Christi willen /
opfferst vnd tödtest deinen leib / lebest Gott zu ehren / vnd
liebest deinen nechsten / Rom. 12. etc.

Thu wol an Zion / nach deiner gnad /
Baw die Mauern zu Hierusalem.

Nu bittet der fromme David auch für Zion
vnd Iherusalem / das ist / für das Geistliche vnd Welt-
liche regiment / Gott wolle seine Kirche / bey reiner ges-
sunder Lehr / vnd bey guter einigkeit gnediglich erhal-
ten / wolt auch zum Weltlichen vnd Hausregiment /
seinen reichen seggen sprechen / auff das er müge recht
erkant vnd geehret werden / etc.

Diesem exempel Davidis sollen wir auch folgen /
sollen nicht allein für vns bitten / Sondern auch für
vnser Brüder / wie Cyprianus schreibet im vierden
Buch seiner Episteln / Epistola 4. Sonderlich sollen
wir vns inn vnserm gebet lassen befohlen sein / die drey
alten orden vnd stende die Gott eingesetzt hat / welchen
der störmfriedt / der vn sauber vnd Lügen Geist / spinnen
feind ist / etc.

Es ist auch wol zu betrachten / das David so hertz-
lich bittet vnd seuffzet / Gott wolle doch an Zion wol-
thun / das ist / seinen Son lassen Mensch werden / Ach
wie haben die lieben Patriarchen frome Könige vnd
Propheten hiernach gewünschet / wie söhulich haben
sie darauff gehoffet vnd gewartet / Luce am 10. Cap.
Vnd

Vnd haben sich des grossen Tages gefrewet wie Abra-
ham Genesis 15. Cap. Johan. am 8. Darumb sollen
wir vns jtz viel mehr frewen / dieweil wir wissen /
das Gott an Zion wol gethan hat / vns seinen einigen
lieben Son ins fleisch hat kommen lassen / der für vn-
sere Sünde volkomlich zalet / Dell Todt vnd Teuffel
vberwunden hat / vnd sitzt zur rechten seines Vaters /
vertritt vnd vorbitt vns als vnser König vnd Hoher-
priester / ja vnser Bruder / das mag ja rechter trost heis-
sen vnd vnser ehr / Psalm 110. Rom. am 8. So offt hie-
ran gedacht haben / S. Paulus vnd der fromm Abt
Bernhardus / haben sie für frewden exclamiret / haben
helden mut bekommen / haben dem Teuffel vnd der Welt
trotz geboten / Ach es ist ja viel / das wir haben zur rech-
ten Gottes sitzen / filium Dei incarnatum, etc.

**Denn werden dir gefallen die opffer
der Gerechtigkeit / die Brandopffer vnd
ganzten opffer / denn wird man Farren
auff deinen Altar opffern.**

Die werden die Opffer vnd gute Wercke wieder
gelobet / denn sie geschehen in dem erkenntnis Messiae
vnd fließen aus warem demütigem glauben.

Dis solt jr auch wol mercken vnd einnehmen /
denn wie das Gesetz leret / in welchen Wercken wir vns
vben sollen / Nemlich in denen / die Gott geboten hat /
vnd dardurch er geehret vnd dem Nehesten gedienet
wird / Ezechielis 20. Cap. Also vnterweiset / vns das
Euangelium / Wie Gott vnser Wercke wolgefallen /
Nemlich sie sollen aus dem Glauben fließen / es sollen
Geistliche Opffer sein / 1. Petri 2.

S

Denn

Denn wie Kinder nicht ehr sein können als die Eltern/oder die Frucht ehe denn der Baum/also kanstu auch nichts thun / das Gott gefellig ist / ehe du von Christo herkommest / solches sihet man sein an Abels vnd Cains Opffer / Ach es ist ein grosser vnterscheid / wenn Cicero vnd Aristides / vnd wenn Samuel vnd Daniel wercke thun / vnd hie möcht man wol sagen / duo cum faciunt idem non sunt idem. Der Phariseer im Luca thut kein gut werck / denn er ist noch vetus homo, ist nicht glenbig / will durch seine werck den Himmel verdienen / Denn wie es ein edel ding ist / vmb wercke die in Christi erkenntnis vnd in demütigem warem glauben / zur danckbarkeit geschehen / also ein gewolich ding ist für Gott / werck thun / der meinunge / dadurch inn Himmel zu komen / ehe David ware buss thet / waren alle seine werck / beten / fasten / almosen geben / lauter gewel für Gott / Ach haben doch die blinden Deyden gesagt / Non bene coelestis impia dextra colit, Es heist / Absq; fide quaecunq; facis, facis omnia frustra, Soltu thun das Gott lieb vnd gefellig ist / so mustu glenbig vnd ein Weinrebe am grossen vnd fruchtbaren Weinstock Ihesu Christo sein / Rom. 14. Heb. 11. etc.

Darumb werden auch gute werck inn heiliger Schrift genant der newe gehorsam / dieweil sie von newen Menschen / die in Christo Ihesu durch den glauben ein newe Creatur worden sind / geschehen / Dann ein wilder Baum / ehe er ein gut ppropffreis bes kömmet / bringet wilde fruchte / du wartest sein wie du wilt vnd kanst / etc.

Es wirdt zu lang / gelibten Christen / mercket fürnemlich inn diesem Psalmen / die lehr von rechter buss / oder

oder bekerung / denn hie habt ihr ein rechtes beichtkind
vnd waren Büsser.

Euch ist bekandt der Papisten Lehr von der Busse/
sie sagen / gedencstu selig zu werden / so mustu gnug-
sam reu vnd leid vber deine sünde haben / du must sie
mit allen vmbstenden dem Priester Beichten vnd erze-
len / vnd must selbst dafür gnug thun / oder andere für
dich dafür büßen vnd gnug thun lassen / daher ihre
schreckliche Lehr von den Wercken der vbermassen iren
vrsprung hat / da die Messpfaffen ire vbrige Wercke
den Büssern verkauffen / wie ir Alten wol wisset / etc.

Ist aber das nicht eine trostlose vnd Abgöttische
lehr? Wo wird hie des D Erren Christi verdiensts ge-
dacht? Wo wird des Glaubens gedacht / welcher
Christum ergreiffet vnd vnser gewissen stillt / Rom 5.

Ist der Pfaffen vnd Mönchen Lehr von der Busz
recht / warumb ist der Vorrether Judas nicht auch
selig worden? Seine sünd ist ihm ja leid / vnd setzet im
dermassen zu / das er für angst nicht weis wo er bleiben
sol / so beicht er ja rein aus / spricht / ich hab vnschul-
dig blut verrathen / Er gibt auch die silbern groschen
wider / noch hilffts in nicht / denn da ist nur legalis poe-
nitentia wie bey Cain vnd Saul / etc.

Aber hie an Dauide sehet ihr / was zur rechten
Busz oder bekerung / gehört vnd wie man darzu kompt /
Als im Nathan das Gesetz scherpfet / bekömmt er gute
reu / erkennet / bekennet vnd besufftzt hertzlich seine
missethat / Er lesset sich aber auch widerumb trösten /
ergreiffet den verheissenen Gnadenthron vnd Schlanz-
gentreter / vnd bekömmt also durch den lebendigen Glau-
ben / hertzen fried vnd freud / darauff folgen gute
Werck / rühmet vnd preiset Gottes Gerechtigkeit /

§ 4

das ist /

das ist/Gottes gnad vnd güte/lebet Gott zu ehren/vnd
liebet seine Vnderthanen/etc.

Zum Beschlus mus ich auch der Beicht ge-
dencken/welche dreyerlei ist / Die grosse vnd tegliche
Beicht ist/ das du deine sünde dem grossen Beichtvater
im Himmel klagest vnd Beichtest / wie David vnd
der Zölner/ Luca 18. Cap. etc. Die ander Beicht ist/
Das du deinem Nehesten Beichtest/vnd bekennest das
du jme vnrecht bist/ vnd bittest vmb Christliche verzei-
hung/ Matthei 5. Jacobi 4. Die dritte Beicht ist die
heimliche oder ohren Beicht/da du mit deinem Beicht
vater ein geheimes gesprech heltest/vnd die Absolution
von im begerest/ Diese Beicht/ob sie wol nicht ist iuris
diuini, das ist/ von Gott geboten/jedoch ist sie gut vnd
nützlich/denn da Examinirt vnd verhört man das jun-
ge einfeltige Volck im Cathechismo / vnd tröstet die
gros anliegen haben / vnd spricht sie in Christi namen
von ihren sünden los/denn die Absolutio ist recht/man
spreche sie vielen in gemeine wie der Teuffer die Zölner
Absoluierte/ oder man spreche sie einem allein/wie Na-
than Davidem/ vnd Paulus den Kerkermeister zu Phi-
lippen Absoluiert/etc.

Darumb ist die Ohren beicht in allen wol be-
stellten Kirchen blieben / Allein zu Constantinopel ist
sie ein mahl abgeschafft worden/wegen eines Gottlo-
sen vnfaubern Beichtvaters/wie wir lesen im neunten
Buch Historiæ Trip: Cap. 35. etc. Sie ist aber bald
hernach widerumb gehalten worden.

Ach es sind faule gesellen die solche Beicht fallen las-
sen in Stedten oder auff Dörffern/vnd betrachten nicht
den nutz dieses gespreches / denn da darff ein betrub-
tes Beicht kind seinem Beichtvater seine noth frey vnd
vner-

vnerschrocken klagen/ denn es weis das der Beichtvater nichts aus der Beicht schwatzen darff/ bey verlust seiner ehr vnd seiner zungen/ wie hiernon vnser Doctores Lutherus vnd Wellerus ja tröstlich geschrieben haben/etc.

Lasset euch auch die stoltzen Dohensprecher/ die Schwencckfelder/ die verechter des gantzen Ministerij/ nicht irre machen/ die schertzlich vom ampt der schlüffel reden/ vnd sagen/ solt mir der Pfaff meine sünde vergeben/ so doch die falschen Leut wol wissen/ das wir es nicht thun für vnser Person/ sondern aus vnd auff vnseres DErren Ihesu Christi befehl/ wie ihr pflegt zu singen.

Wenn vns der Priester Absoluiert/
Sein ampt der HErr Christ durch im fürt.
Vnd spricht vns selbs von sünden rein/
Sein Werckzeug ist der diener allein.

Nch wir haben ja ein frommen getrewen Gott/ in der heyligen Tauff werden wir Christo zugetragen/ da treten wir in den newen orden/ sagen dem Teuffel ab/ vnd hulden Gott Vater/Son vnd heyligen Geiste/ dem einigen/ ewigen/ waren/ allmechtigen/ vnzutrenlichen Gotte/ in dreyen selbstendigen/ vnterschiedlichen Personen/ da werden wir der Christlichen Kirchen eingeleibt/ vnd zu Gottes Kindern vmb Christi willen angenommen/ sagen auch da zu das wir vns des DErn Christi gerechtigkeit trösten / vnd als newe geborne Kinder leben wollen/ darauff wir das weisse Kittlein empfangen.

§ iij

Wenn

Wenn wir aber nach vnser Tauffe in dieser schlipf-
ferigen Welt / fallen / haben wir das Vater vnser / die
Absolution / das heylige Nactmahl / sollen ware busse
thun / so sollen wir wider zu gnaden angenommen wer-
den.

Beschlus.

So viel / ihr geliebten im HErrn / von der
Historien oder Legenden des lieben Davidis / Wie er
zu seinem grossen fall kommen / vnd wie ime wider ist
geholfen worden / etc.

Helffe vns Gott / wie auch Augustinus wündt-
schet / das wir dieser gnadenlehr vnd exempel nicht
missbrauchen / sondern recht gebrauchen / vnsern feind
den tückischen schleicher vnd Vogelsteller den Sathan /
recht erkennen lernen / für vnd für in Gottes furcht ste-
hen / vns für sünden vnd vrsachen zu sündigen / hüten /
oder so vns die alte erfarnie Schlange einen mördlichen
stich gibt / vnd vns berückt / das wir in guter rewe vnd
warem Glauben / vns zum rechten Helffer vnd Schlan-
gentreter / zu vnserm Patron vnd Gnadenthron vnd ge-
trewen Hirten Ihesu Christo halten / so sollen wir
gewislich erhöret werden / vnd sollen folkornene
vnd ewige frewd bekommen wie David /

Matthens vnd Zachens / das
helff vns die heylige
Dreyfaltigkeit.
Amen.

Pono superciliū, Domini cum vulnera specto,
Glorior in Solo sanguine Christe tuo.

Wenn ich den HErrn am Creutz sehe an/
So setz ich all mein thun hindan/
Allein des HErrn Christi Blut/
Hilffet mir recht aus aller noth.

Laus Deo.




Faint, illegible text, likely bleed-through from the reverse side of the page.


Faint, illegible text, likely bleed-through from the reverse side of the page.





g











Jan 192 d (1)


ULB Halle 3
002 424 657



Sb.

W 17





5.

Sier kurze Predig-
ten / vber den einvndfunff-
zigsten Psalmen
Dauids.

Iohannis Gigantis
Northufani.



Psalm: 103.

Lobe den HErrn meine Seele/der dir alle
eine sünde vergibt / vnd heylet alle deine
ebrechen.

Gedruckt zu Alten Stettin.
Anno / 1574.

